

I

Mag. St. Dr.


P

Wroblewski 1846: *Laurus Palladis metrorum*
adornata corymbis et Jacobo Reynek
Rev. - dedicata.

PANEG. et VITAE

Polen. 4^o

№ 785.



L A V R V S PALLADIS

Metrorum adornata Corymbis

ET

Ingenuo ac Venerabili Dño,

IACOBO REYNEKKER,

Dum in Peraugustâ Diui Iagellonis Aula se-
cundam in Artibus & Philosophia

Lauream publicè & solenniter
prensaret.

CONFERENTE,

Excellentissimo ac Doctissimo

M. IACOBOSVSKI

Collega Minore, Præposito ad ædes

S. ADALBERTI.

et

V. ALBERTO WROBLEWSKI, *Artium & Philosophia
in Almâ Academiâ Baccalaureo,*

DEDICATA:

CRACOVIAE.

Anno 1646. 16 April.

IN STEMMA SPECTABILIS
AC CONSULTISSIMI Dñi.



172952

Contemplor iuuenes Phæbi feruore calentes,
 Insperfasq; nigro cerno colore genas.
 Fascia præcingit sociato tempora nexu,
 Sydera condecorant lucidiora manus,
 Ardua supportanda manent clarescere factis,
 Qui petit aut viridi cingere fronde comam.
 Ardores cæli tolerandi Solis, & æstus,
 Stemmata non aliud SCHEDELIANA notant.

FRANCISCVS ORSZETI,
 Stud: Grammatices.



Spectabili ac Consultissimo Viro,
D. CHRISTOPHORO
SCH E D E L.

Senatori Ciuitatis CRACOVIE NSIS
Dignissimo, &c. &c.

Domino & Fautori Obseruandissimo.

REs periculosa plena est alea *SPECTABILIS ac CONSULTISSIME DOMINE*, cum ob ingenij & genij mei tenuitatem ac imbecillitatem, tum ob nullam in eloquentia studio dicendi copiam: dum negotium tam arduum, & impar viribus meis tractandum assumo, quod pro dignitate & amplitudine illius magnificâ laudum condecorare apotheosi, non meam incultam facundiam, quam mihi nullam prorsus inesse sentio, sed Demosthenis aut Ciceronis & disertissimorum ac penè grauissimorum Oratorum eloquentiam vix sufficientem esse existimarem: Syluis addam frondes & fontibus riuulos, si consuetudine aliorum iam receptâ, tantum studij in declarando officio meo adhibuero, quantum Priuigni Tui laudum praestantia, Tuaeque gloria ac virtutum amplitudo postulat veneranda. Verùm uti pictoribus usitatum est, qui cum aliquod nobilissimum industriae suae specimen, declarare cupiunt, ingentes & in paruâ tabellâ immensis militum depingere myriades, tali progrediuntur pacto summa saltem capitum attingere, vel extrema pingendi arte illustrare consueuerunt. Itidem ego tamen, non ita flexa anima Suada instructus sum coloribus, prout Tua excelsa requirit dignitas, ac amplitudo, nihilominus quantum in me est, hoc quaecumque, mei candidi pectoris in Tuam clarissimam familiam, argumentum Ti-

tum Tibi declaraturus verba facere opera pretium duxi. Exprimis quippe Tuis augustissimis virtutibus, singulari prudentiâ, eximiâ humanitate, ac insigni liberalitate genereq; Tuo viuum maiorum Tuorû imaginem, qui Deo, Regi, ac Patria fructuososerant, dum glorioso virtutum clarescerent splendore, non secus ac lucidissimus Hesperus inter radiantes stellarum & syderum acies præfulgerent. Quid enim potest dari, aut melius, aut dignius, aut laudabilius, quàm Deo præpotents supremo rerum omnium gubernatori obsecundare, Principi in Republicâ morem gerere. Patriæq; rationibus accuratius, non tantum consulere, verum in amplificandis illis solertem nauare operam? à quibus præclare factis, Tuorum maiorum & Suorum non recessit V. D. IACOBVS REYNEKKER, immò ita illorum secutus est vestigia, ut maximam gloriam, non tantum illis, verum etiam Tibi S. D. Tuisq; liberis ingenuis (quib⁹ nihil dulcius hominû generi à naturâ datû est) emolumentum sit allaturus copiosum; dum eis perplexos difficultatum in studijs, soluerit nodos, doctrinamq; iisdem instillauerit salutarem. Insuper Deo auspice ut benè auguror in Sublimes prorumper honorum gradus, hoc illius modestia, hoc sedula in studijs honestissimis ominatur industria. Hæ itaq; rationes me excitârunt, ut hanc meam lucubrationem? non exquisitâ adornatâ Mineruâ, Tibi SPECTABILIS ac CONSULTISSIME DOMINE dedicarem. Quo in passu licet iam gratulari Tibi Tuisq; omnibus, quod tam optatum nactus sis solatium ex Tuo Priuigno, qui ita feliciter in Academico procedit Laureis decoratus stadio: optoq; ex animo, ut rerum omnium felicissimo successu floreas, & diutissimè adornamentum Urbis & Familia Tue incolumis viuas, meum verò hunc laborem, tanquam indubitatum obseruantia mea monumentum aequi boniq; consulas.

Speſtabilis ac Conſult: Veſtræ Dñonis
ad omnia obſequiorum genera.

Promptiſſimus.

ALBERTVS WROBLEWSKI,
Art: & Phil: in Alma Acad: Crac:
Baccalaureum.

ODE I.

Iusta datur iusto merces persapè labori.

N Emini limen patuit corusci
Ante honoris, quam nitidum subiret
Pegma virtutis Phrygij nepotum:
Liuius inquit.

Hinc patet nullum meritum decoræ
Posse virtutis, merito absq; iusto
Cuipiam offerri: quoniam labor fert
Præmia fronti.

Aggrauabaris nimio labore
Sapè Musarum retinendo castra,
Antequam nôris sapientis alma
Dicta Platonis.

Feruidâ curâ literis vacabas
REYNEKIER, summo studio Camænas
Principem vaturn celebrem colebas
Pectore læto.

Ergo te sudor vigilum laborum
Laurea cingit, redimitque frontem:
Nulla tempestas premet hanc virentem,
Nulla vetustas.

Qui fretum sulcat, patiturq; scyllas

Sive pertransit maris æstuantes,
Vortices, seu iam Nereus potenter

Obuia iactat.

Nocte seu proram mediâ saburrâ
Sistit, imploratque Deos marinos,
Atque formosam gemebundus æthram

Voce fatigat.

Castor & Pollux mihi ferte lumen,

Hæreo cæcus finè luce vestra

Hæc nigrescentes tenebras fugate

Sydera bina.

Porrò non supplex precibus rogâsti

Hos Deos sæuis agitated vndis,

Iam licet gustes propè plena tristis

Pocula Letæes,

Sydus at fulgens maris ore poscis

Supplici voto rogitas & almam

Virginem; cuius Tibi dextra adesse

Non nequit vnquâ.

Sunt quidem euentus Tibi queis moueris,

Non tamen pulsât Tua corda terror,

Namq; succurrit Tibi Mater astris

Cincta coruscis.

Hæc secundaui Tua vota, cæptis

Sub-

Subministravit facilemque cursum :

Hæc gubernabit Tua facta, rectis

Annuet ausis.

Hæc opem semper feret altiorum

Consequendorum; hoc tibi cum Tuisq;

Opto; conuiuas patriæ, Deoq;

Palladis Horto.

ODE II.

*O Canti diuine, Lyta, ac Academia grati
Vrbibus egregijs Imperijsq; Polo.*

Felix Metropolis? Palladis inclytæ
Armis castra gerunt fulgida quam suis:

Doctos progeneras tot

Natos, Mater es utilis.

Multis Imperijs ô Academia!

Frugens campus habens, hortus aromatum

Plenus (cui honor, atque

Cultus debitus ac quidem.

Sit citra inuidiam) clara scientiæ

Sedes, ac solium, fax sapientiæ

Et nidus pietatis

Diuus Cantius almus est.

Inquo

In quo : clara satis lumina præbuit.
Virtutum gremium sustinuit diu,
Musarum loca visit

Vnâ cum pierateque.
Felix ille fuit muneribus Dei
Insignis meritis intulit is caput
Cælo candidus almo

Conspectu fruitur Dei.
Res miranda noua est, quam prece supplici
Artes Pierias: Cantius adfuit
Tractanti misero; se

Cuidam voce roganti opem!
Quidnam? dicere non expedit hæc modo;
Depromet Tibi post publica pagina
Quantus splendeat alto

Diuus Cantius in polo.
Te verum alma parens natum Academia
Altrix ingenui promouet ingenium
Huius dicere fætu

Verus Filius vbere.
De cuius studio iam benè pascere
Illius pietas Te capit in fidem
Quod grator, precor utq;
Viuas sospes & integer.

ODE III.

Hunc Pallas magno quasita labore coronat.

S Parfas per altum, dum furit Æolus
Formidolosis flatibus insolens
Quæ dirigis vultu benigno
Argolicas Cynosura classes.

Inuolue nigro tempora Syrmate,
Nox cæca tortis crinibus incubet,
Caliginosas inter umbras
Perpetuas age fusca noctes.

Cum fratre Pollux Castore protinus
Laxate nexus dissociabiles,
Cælo reducentes coluros
Splendidiùs niret ecce sidus.

Non indecoro lumine splendicans
Ceu fulget ortu Phosphorus aureo,
Ceu nocte pulsâ purpuratum
Quadriiugo vehit axe Phæbum.

Enata proles sanguine nobili
REYNEKKER ORVM gloria posthumum
Immensa circumdat nepotem.
Temporibus moritura nullis.

Ille ille multo laudis adorem
Sudore partam. Crace parenstux
Nunc pandit vrbi, glorioſo
Victor adest celebris trophæo.
Cuius iuuentam nutrijt artibus
Pallas beatis, Mens generoſior
Viua ce contende bat auſu
Palladios ſuperare circos.
Apollo vatum Ductor amabilis
Ori rotundo ſuppeditauerat
Aſcræa Muſarum fluenta,
Vt Tua ſit decorata Suada.
Depræliantes inter vt Africos
Puppis vacillat per tumidas iter
Quærens procellas, perq; fluctus
Saxa per, & ſcopulos minaces.
Excelsa Phæbi præterijt iuga,
Intaminatam verberare barbiton
Tangens eburno, labra tingens
Pegafeo benè culta riuo.
Vt laureatis diues honoribus,
Sertoq; geſtans implicitum caput
Fulgeret in Vatum Senatu
Nomen habens titulosq; vatis.

Tylicianis in penetralibus,
Labore quærens, & vigilantia
Adeptus Oratoris artem
Verba ciet meliora melle.

Decurrit acri mente scientiam,
Quâ doctiores erudiunt Sophi,
Spem non perituram parentum
Progeniem pretiosorem

Auri metallis: Nonne monilia
Cornelia almi pignora sanguinis
Vel ipsa mater dixit olim
Romuleæ pretiosa gentis?

Conchyliato non adamas nitet
Sic clausus auro gemmeus, aut onyx,
Diffundit ignes, vel petita

Memnonio noua gemma ponto.
Vt promicanti lampade clarior

IACOBE virtus irradiat Tua,
Diuûm penates perq; fastos
Patricios trabeata lucet

Victura terris: mille ter ampliùs
Labantur anni: præcipites licet
Soleſque deducant quadrigas
Astra super per inane vecti.

Ter mille lustris. Quin age lauream
Donum labori nobile debitum
 Capesse felix, his Athletas
 Muneribus Prytanæa ditant
Doctæ Mineræ. Tu columen domus.
Olim futurus. Cui sapientia
 Gazas Palatinis reclusit
 Diuitijs opulentiores.
REINEKKER OR VM clara suis domus
Natis refulget sub Cracio polo:
 Quorum parens virtutibusque
 Sat benè diuitijsque fulsit.
Nec non superstes nunc opibus potens
Perdigna natis est Genitrix suis:
 Virtute queis præluceat æquâ.
 Sæpè procul resilere poma
A fislili nam stipite non solent
Hunc Tutor eius seu potiùs Parens
 Ceu diligit natum, fouetq;
 Consule nomen habendo dignum.
Sanis dat vrbi consilijs opem,
Facemque præfert cuiuslibet accolæ
 Virtutis; æquus iusta iudex
 Iudicat ac moderatur urbem.

IACOBE

IACOBÆ Suadâ præditus emicas
Virtute, Musis Teque Academia
Instruxit: & morum suavis
Semper erat tibi comitas &
Mens; forma, dotes ac animi probi:
Formauit autem turba Cleanthea
Te; dum Camænis militares,
Plurima pertuleras acerba:
Magis supremo viuida Numini
Virtus probatur corpore profluens
Formâ venustâ; gratiorem
Esse liquet populo hanc cuique.
Fronde lauro culmina laudis &
Fructus opimi cincta phalanx suo
Sudore, quem prensat per orbem!
Quæue Deo Duce Tu prendes.
Vultu sereno, quod Tibi riserit
Fortuna suavis, cum Tibi lauream
Porrexit optatò secundam:
Gratulor hoc Tibi cum Tuisque.
Faxit supremum Numen vt omnia
Fausa auspiceris; prosper item in Scopum
Pergas; amœnus sortis almæ
In gremio sedeas beato.

Hoc ergo faustus munere fungere
Decurre vitæ plurima sæcula
O Palladis fidus, decora
Altra Tuo supera nitore.
Fauente Diâ virgine sedulò
Conere factis quàm grauibus spei
Votisque respondere dignis
Pierixque Tux parentis.

ODE IV.

Tempora veris eunt, felices crescite Lauri.

B Ruma Riphæis dominata campis,
Orbe dum spargit glaciale frigus,
Non semel pugnax Aquilo furenti,
Mugijt ore.

Alta Parnassi iuga congelatas
Et nemus Pindi, doluere lauros;
Lesbius vates renuit iocosum
Pangere carmen.

Ac pruinosos animare nervos
Arte Diræâ; quibus efferratos
Sæpe submouit dominantis iræ
Pectore motus.

Nulla

Nulla Pæstaniſ roſa fulſit hœrtis,
Non Idumæis opulenta baccis
Palma, victorum decus & potentis
Gloria dextræ.

Iam dies verni redeunt, hiemſq;
Igne Phœbæi calefacta currus
Hiſpido valles & in hoſpitali
Frigore ſoluit.

Ite iam lauri præeunte vere,
Ite felices per aprica fuſis
Altiùs ramis, ſuperate ceſſas
Vertice nubes.

Vos coronando dabitis Magiſtro
Serta IACOBO, potiora gemmis,
Siue quas Indi, vel auara Cræſi
Arca flagellat.

Creſcit occulto velut ornus æuo *ornus flou.*
Flante pennatâ Zephyri quadrigâ,
Dum ſacrum lauri nemus aduolante,
Perſtrepit aurâ.

Ille ſic raris finè labe factis
Nomen extendit generoſa virtus
Vile nil curat : graditur per altos
Laudis honores.

Regna

Regna Musarum stupuere quantos
Artibus nauans operam labores,
Mouit; altarum documenta rerum
Abdita lustrans.

Hunc cedri dicent, & honora myrtus,
Concelebrabit memores in annos;
Hunc triumphali vehet æuiterna
Gloria curru.

Fronde gemmata decorabit, auro
Gratior laurus, folijsque nomen
Inclytum scribet: Vireat IACOBVS
REYNEKKER orbi.



Biblioteka Jagiellońska



stdr0025887

